

Еліміздегі жоғары оқу орындары жастарға сапалы білім берумен қатар бәсекеге қабілетті маман етіп даярлауға күш салуда. М.Әуезов атындағы Оңтүстік Қазақстан университеті нарықта сұранысқа ие мамандар даярлауда жетекші орынға ие.

Университеттің «Жаратылыстану ғылымдары және педагогикасы» жоғары мектебінің «Математика» кафедрасы 6Bo1510-Математика, 6Bo5410-Математика, 7Mo1510-Математика, 7Mo5410-Математика, 8Do1510-Математика, 8Do5410-Математика білім беру бағдарламалары бойынша мамандар даярлайды.

Болашақ мамандық иелеріне 18 оқытушы-профессор құрамы, олардың ішінде 3 ғылым докторы, профессор, 7 ғылым кандидаты, доценттер, 1 PhD докторы мен 8 магистр оқытушы дәріс береді. 2009 жылдан бері үш тілде оқыту жүргізіліп келеді. Қазіргі таңда ол өз жемісін беруде. Бітіруші түлектеріміз Назарбаев Зияткерлік мектептерінде, мамандандырылған үш тілде білім беретін мектеп-интернатта, дарынды оқушыларды дайындайтын орталықтарда, өңіріміздегі мектептер мен колледждерде еңбек етуде.

Айта кетсек, Т.Стамқұлов Түлкібас ауданы Ш.Мұртаза атындағы шағын жинақты мектеп-гимназия директоры, Қ.Төреханов Шымкентте Ұлықбек атын-

МАТЕМАТИКА МАМАНЫ: СҰРАНЫС БАР МА?

дағы №3 мектептің мектеп директорының оқу ісі жөніндегі орынбасары, Ердаулет Сұлтанбай №2 мамандандырылған үш тілде оқытатын мектеп-интернатта ұстаз болып еңбек етуде.

Бітіруші түлектеріміздің 2019-2020 оқу жылында 55 пайызы, ал 2020-2021 оқу жылында 32 пайызы магистратураға түсті. Университетте студенттердің оқумен қатар ғылымды бірге алып жүруіне, қоғамдық өмірге араласуына жағдай жасалынған. Олар студенттік ғылыми конференцияларға қатысып, жүлделі орындарға ие болуда. Өткен 2019-2020 оқу жылында студенттеріміз Павлодарда өткен математикалық олимпиадаға қатысып, жүлделі 2-орынды иеленді. Тараз мемлекеттік педагогикалық университетінде өткен «Жас ғалым-2019» VII Халықаралық ғылыми-практикалық конференциясынан Б.Мажитов II дәрежелі дипломмен оралды.

Бүгінгі таңда, пандемияға байланысты оқу ордасында 1 курс студенттері оффлайн, ал қалған курстардың барлығы сабақтарын онлайн режимде өтуде. Осындай жағдайларға қарамастан оқу мен тәрбие жұмыстары өз дәрежесінде өткізілуде. Қазіргі таң-

да «8Do1510-Математика» білім беру бағдарламасы бойынша 8 докторант, «8Do5410-Математика» білім беру бағдарламасы бойынша 6 докторант білім алуда. Оның ішінде 8 докторант кафедра түлектері.

2018 жылдан бастап «8Do1510-Математика» білім беру бағдарламасы бойынша диссертациялық кеңес ашылған. Аталған кеңесте PhD доктор дәрежесін алу үшін 7 докторлық диссертация қорғалса, оның 3-уі кафедра докторанты.

Қай елдің болсын өсіп-өркендеуі, ғаламдық дүниеде өзіндік орын алуы оның ұлттық білім жүйесінің деңгейіне, даму бағытына байланысты. «Ұрпағы білімді халықтың болашағы бұлыңғыр болмайды» дегендей, жас ұрпаққа сапалы, мән-мағыналы, өнегелі тәрбие мен білім беру бүгінгі күннің басты талабы болып отыр.

Н.АШИРБАЕВ,
М. Әуезов атындағы ОҚУ
«Математика» кафедрасының
меңгерушісі, м.ғ.д., профессор

А.МАДЕНОВА,
аға оқытушы